

"INTEGRATION OF PRAGMALINGUISTICS, FUNCTIONAL TRANSLATION STUDIES AND LANGUAGE TEACHING PROCESSES"

Machine Learning
Computers with the ability to
learn without being explicitly
programed

International Scientific Conference
February 22-23, 2023

Deep Learning
Network capable of
adapting itself to new
data



Section 1: Cognitology and cultural linguistics in modern linguistics.

Section 2: Literary criticism and society.

Section 3: Problems of comparative typology and translation studies, modern problems of philology.

Section 4: Integration of communicative technologies in language learning.



**THE REPUBLIC OF UZBEKISTAN
THE MINISTRY OF HIGHER EDUCATION, SCIENCE AND
INNOVATIONS
BUKHARA STATE UNIVERSITY**

English Linguistics Department

**PROCEEDINGS
of materials for international scientific-theoretical conference on the topic**

**PRAGMA LINGUISTICS, FUNCTIONAL TRANSLATION
AND INTEGRATION OF LANGUAGE TEACHING PROCESSES**

February 23-24, 2023

Bukhara 2023

<https://buxdu.uz>

13. Nargiza Bobojonova Jumaniyozovna. (2022). The Term Concept in Modern Linguistics. *Miasto Przyszłości*, 28, 297–302. Retrieved from <http://miastoprzyszlosci.com.pl/index.php/mp/article/view/643>
14. Nargiza Sulaymonovna, Q. ., & Arjunbek Orifjonovich, O. . (2022). KONSEPTUAL METAFORALARNING LINGVOMADANIY HAMDA KOGNITIV XUSUSIYATLARI VA TIL TARAQQIYOTIDA TUTGAN O`RNI. *Scientific Impulse*, 1(3), 594–600. Retrieved from <http://nauchniyimpuls.ru/index.php/ni/article/view/1055>
15. Tolibovna, Y. Z., & Nodirovna, B. S. (2021). Phonetic figures of speech and super segmental phonetic devices. *ACADEMICIA: An International Multidisciplinary Research Journal*, 11(3), 910-917. <https://www.indianjournals.com/ijor.aspx?target=ijor:aca&volume=11&issue=3&article=150>
16. Yuldasheva Feruza Erkinovna. (2021). POLITENESS MARKERS IN SPOKENLANGUAGE. *Euro-Asia Conferences*, 37–40. Retrieved from <http://papers.euroasiaconference.com/index.php/eac/article/view/528>.
17. Zarina, U., & Nozanin, G. (2022). The main features of description in “the old man and the sea” by Ernest Hemingway. *Integration Conference on Integration of Pragmalinguistics, Functional Translation Studies and Language Teaching Processes*, 66–67. Retrieved from <https://conferenceseries.info/index.php/online/article/view/45>
18. Ubaydullayeva Muattar O`rinbekovna. (2022). USAGE OF DIFFERENT STYLISTIC TROPES IN ENGLISH AND UZBEK LANGUAGES AND THEIR SPECIFIC CHARACTERISTICS. *Academia Globe: Inderscience Research*, 3(10), 223–227. <https://doi.org/10.17605/OSF.IO/ZX3QW>
19. Khayriddinkizi, K. K. (2021). Strategies of Improving Writing Skill for B1 Learners. *INTERNATIONAL CONFERENCE ON MULTIDISCIPLINARY RESEARCH AND INNOVATIVE TECHNOLOGIES*, 2, 204–207. <http://mrit.academiascience.org/index.php/mrit/article/view/125>

O`ZBEK TILIDA TINISH BELGILARI TEJAMKORLIGIGA DOIR

*Qosimova Zebiniso Sodiq qizi
BuxDU 1-kurs magistranti
Ro`ziyev Yarash Bozorovich
BuxDU f.f.f.d., (BuxDU)*

Kalit soʻzlar: tejamkorlik, milliy ruhi, punktuatsiya, orfografiya, mazmun va shakl, lisoniy vosita, gʻayrilisoniy vosita, diakratik belgilar, morfemalar, aksentema va melodika.

Annotatsiya: Punktuatsiya muayyan til yozuv sistemasining tarkibiy qismi boʻlib uni puxta egallash va ulardan amalda oʻrinli foydalanish yozma nutq uchun muhimdir. Punktuatsiya umumxalq, umummillat, madaniy boyliklaridan

hisoblanadi va undan fan-adabiyot, nashriyot, matbuot barcha keng foydalanadi. Punktualsiya soʻzi lotincha punktium (punkt – nuqta, belgi, shakl) soʻzidan olingan boʻlib uch maʼnoda ishlatiladi: tinish belgilari sistemasini oʻrgatuvchi boʻlim, tinish belgilarining qoʻllanishi qoidalari va tinish belgilari maʼnolarida yuritiladi. Punktualsiya tinish belgilarining qoʻllanishi haqidagi yagona qonun qoidalari yigʻindisi boʻlib tinish ishoralarining miqdori, funksiyasi, qoʻllanish sistemasi va tartibini oʻrgatadi.

Kirish. Imlo qoidalari har tilda oʻziga xos. Yozuvdagi baʼzi qatʼiy qoidalar hamma til uchun umumiydir. Shu bilan birga, imlo qoidalari qotib qolgan narsa emas, aksincha, tirik, rivojlanib boruvchi hodisadir. Til taraqqiy etib borgan sayin u bilan bogʻliq qoidalar ham oʻzgarib rivojlanib boradi.

Asosiy qism. Til faqatgina nutq vositasi boʻlibgina qolmay balki shu tilda gapiradigan millatning ruhini va madaniyatini ham aks etadi. Shunday qilib har bir tilning oʻziga xos xususiyati bor va bu bevosita shu millatning ruhiyat bilan bogʻliqdir. Jumladan dunyo tillari shu kabi xusssiyatiga koʻra bizga maʼlum turli xil til olilariga boʻlingan. Xususan oʻzbek tili turkiy tillar oilasiga mansubligi va tejamkorlik ushbu til qurilishining bosh xususiyati boʻlishiga qaramay, koʻp bora, asosan tinish belgilarining qoʻllanishida tejamkorlikka rioya etilmaganiga guvoh boʻlamiz va bu punktualsiya boʻlimini isloh qilishni taqozo etadi. Prof. Gʻ. Zikrillayev taʼbiri bilan aytganda tinish ishoralarini ishlatishda ona tili qurilishi, tuzilishining oʻziga xos xususiyatlarini inobatga olib tejamkorlikka rioya qilmoq darkor. Bu esa tilni ruhiy-ijtimoiy hodisa deb qaralsagina mumkin boʻladi.

Negaki hozirgi kunda ishlatilayotgan oʻnta tinish belgisining hammasi rus tilidan olingan. Ularni “qoʻllash asosan XIX asrning ikkinchi yarmidan boshlanadi. Bu davrga qadar boʻlgan qoʻlyozmalarda (ular, maʼlumki, arab grafikasi bilan yozilgan) hozirgidek mazmun va shakldagi tinish belgilari qoʻllangan emas” [2,6]. Bu esa mazkur masalani nazariy jihatdan tadqiq qilib amaliy tavsiyalar berib borilishini taqozo qilar edi. Lekin “keyingi 30-35 yil ichida oʻzbek tili orfografiyasi 5 marta qayta koʻrib chiqilgan boʻlsa, tinish belgilarini qoʻllash qoidalari biror marta qayta koʻrib chiqilgan emas” [2,7; 6,3]. Bu fikr 60 va 70-yillarda aytilgan. Undan keyin ham bu borada ijobiy oʻzgarish boʻlgan emas. Bundan mustamlakachilik tizimi davrida tinish ishoralarini oʻzbek tilining xususiyatiga moslash masalasiga deyarli eʼtibor berilmaganligi maʼlum boʻladi. Amalda tinish ishoralari rus tilida qanday boʻlsa oʻzbek tilida ham shunday ishlatilaveradi.

Boshqacha aytganda tinish ishoralarining mezon va qonun-qoidasi rus tilidan aynan koʻchirilib hukmron xalq tiliga taqlid qilindi. Taqlid yurtimizda olib borilgan mustamlakachilik siyosati taʼsirida istiqlolgacha davom etdi. Bitta misol keltiraylik: “*Sobir: har bir ishga tajriba koʻzi bilan qarash kerak*”, - deydi, - dedi Karim [9,250]. Bu misolni qoʻsh koʻchirma gap deb besh xil ishoradan bir yoki ikki marta foydalanilgan. Muallif amaldagi qonun-qoidaga asoslanganu ona tilining xususiyatini inobatga olmagan.

Ma'lumki o'zbek adabiy tilining barcha uslubida hozirgi kunga qadar tinish ishoralarining ishlatilishiga doir amaldagi qoidalarga rioya qilinadi. Dalil tariqasida Qur'oni karimdan Mo'minun surasining 29-oyati tarjimasini olib ko'raylik: "*Va: Ey Robbim, meni muborak manzilga tushirin, Sen o'zing manzilga tushirguvchilarning eng yaxshisidan, degin*", *dedik* (8, 344). Shu o'n beshta mustaqil va yordamchi so'zdan iborat jumladan to'qqiz o'rinda tinish belgisi qo'llangan. Naml surasining 6-oyati tavsiri oltmish oltita mustaqil, yordamchi va qisqartma so'zdan tarkib topgan. Unda oltmish besh o'zrinda tinish belgisi qo'yilgan.

Istiqloлга erishilgach tinish ishoralariga munosabat o'zgardi. Jumladan 1996-yilda prof. K. Nazarov tinish belgilarining qo'llanishi, ma'nosi va vazifasi *milliydir* deb yozadi [5,4]. Bundan til ruhiy-ijtimoiy hodisa deb e'tirof etilganligi anglashiladi.

Nihoyat 2015-yilda O'zR FA Alisher Navoiy nomidagi Til va adabiyot institutining bir guruh yetakchi olimlari (prof. Mahmudov, katta ilmiy xodimlar A. Madvaliyev, N. Mahkamov) tomonidan yangidan "O'zbek tilining asosiy qoidalari" loyihasi tayyorlanib mutaxassislar hukmiga havola qilindi. [4, 57-79]

Mazkur loyihada quyidagi nazariy fikr diqqatni o'ziga tortadi: "Tinsh belgilari yozuvning boshqa vositalari (harflar, raqamlar, diakritik belgilar) hamda til birliklari (so'zlar, morfemalar) bilan ko'rsatish mumkin bo'lmagan turlicha fikr munosabatlarni, psixologik va intonation holatlarni ifodalashda ham favqulodda ahamiyatga ega". Bundan lisoniy vosita va g'ayrilisoniy omillarni tejab ishlatish kerakligi ma'lum bo'ladi. Shuni ta'kidlash joizki prof. Mahmudov boshqa bir tadqiqotida ham tilda xalq ruhi aks etishi haqidagi g'oyaning asoschisi olmon allomasi V. Gumbold ekanligini bayon qilib bu yondashuv bugun tilshunoslikning turli yo'nalishlaridagi haqqoniy tadqiqotlarning chinakam tamal toshiga aylandi deb yozadi. [3,3]

Yuqorida ta'kidlaganimizdek o'zbek tilida o'nta tinsh belgisi qo'llanib kelinmoqda. Bu tinsh ishoralari vazifasiga ko'ra quyidagi uch guruhga tasniflangan:

Chegaralovchi tinsh belgilar: bular yozma matndagi ayrim qismlarning leksik-semantik farqlanishi va ajralishini, grammatik-uslubiy chegaralanishini ularning boshlanish va tugallanish nuqtasini hamda o'rinlashuv doirasini ko'rsatadi. Bunga qo'shtirnoq, qavs (qo'sh qavs) kabi tinsh belgilari kiradi.

Ayiruvchi tinsh belgilar: bular yozma matnlarni yoki ularning qismlarini bir-biridan ajratish va muayyan qismning tugallanishini ko'rsatish uchun xizmat qiladi: bunday ajratish logik-grammatik jihatdan bo'ladi. Bularga nuqta, so'roq, undov, nuqtali vergul kiradi.

Murakkab vazifali tinsh belgilar: bular yozma matn qismlarini o'rni bilan ham ajratish, ham chegaralash, ba'zan ham birlashtirish vazifalarini bajaradi. a) "ajratish + birlashtirish" vazifasini bajaruvchilar (ikki nuqta); b) "ajratish + chegaralash +

biriktirish” vazifasini bajaruvchilar (vergul, tire); d) fikrning bo‘linishi, qisqarishni va turli emotsiyalarni bildiruvchilar (ko‘p nuqta).

“O‘zbek tili va adabiyoti” jumalida tilshunos olimlar prof. N.Mahmudov, katta ilmiy xodimlar A.Madvaliyev, N.Mahkamov tomonidan chiqarilgan “O‘zbek tili punktuatsiyasining asosiy qoidalari”da tinish belgilari 2 turga ajratilgan holda yoritiladi: Tinish belgilarining gap oxirida qo‘llanilishi bo‘limida nuqta, so‘roq, undov va ko‘p nuqta belgilarining qo‘llanish holatlari misollar asosida izohlanadi. Tinish belgilarining gap ichida qo‘llanilishi bo‘limida esa vergul, nuqtali vergul, tire, ikki nuqta, qavs, qo‘shtirnoq kabi belgilarning ishlatilish holatlariga to‘xtalinadi. Tadqiqotlarga tayangan holda aytish mumkinki, dastlab qo‘llangan punktuatsion belgilar so‘zlarni va jumalarni bir-biridan ajratish, og‘zaki nutq bilan bog‘liq bo‘lgan turli aksentema va melodikalarni ifodalash uchun qo‘llangan. Ular bugungi kunda tinish belgilari yordamida yuzaga keladigan semantik va grammatik ma’nolarni ifodalashga xizmat qilmagan.

Prof. G’. Zikrillayev esa o‘zbek adabiy tili qurilishining bosh xususiyati tejamkorlikka izchil amal qilgan holda tinish ishoralarini tejab ishlatishni ikki yo‘l bilan qoidalashtiradi: 1) o‘nta tinish belgisidan har birining ishlatilishi ketma-ket qoida qilib beriladi; 2) muayyan mavzu doirasida qo‘llanadigan bir yoki undan ortiq tinish belgisining qoidasi bayon qilinadi.

Xulosa. Shunday qilib mustaqil bo‘lganimizga chorak asrdan oshgan bo‘lishiga qaramay, o‘zbek tilida tinish ishoralari hali ham rus tilshunosligi namunasi asosida ishlatib kelinmoqda. Bu esa o‘zbek adabiy tili tinish ishoralarining shu tilning ruhiga muvofiq isloh etishni talab qiladi. Ushbu maqolada ham punktuatsion qoidalarga amal qilishda tejamkorlikka rioya qilindi. Zero isloh avvalo har kimning o‘zidan boshlanadi.

Foydalanilgan adabiyotlar:

1. G‘ani Zikrillayev “Ruh va Til”, O‘zbekiston Respublikasi Fanlar akademiyasi “Fan” nashriyoti, Toshkent-2018
2. Jumali Shabonov, Xayrulla Hamidov “Turk tili imlo qoidasi”, Toshkent davlat sharqshunoslik instituti, Toshkent-2010
3. Yuldashev M.M. “O‘zbek tilining amaliy grammatikasi” O‘ZBEKISTON DAVLAT SAN‘AT VA MADANIYAT INSTITUTI TILLAR VA ADABIYOT KAFEDRASI, Toshkent – 2018
4. K. Nazarov “Tinash belgilari va yozma nutq”, O‘zbekiston SSR “Fan” nashriyoti, Toshkent-1974
5. Ro‘ziyev Y.B, Nemis adabiy tilida o‘zlashtirma nutq, Центр научных публикаций (buxdu uz) 22 (22).
6. Izomovich, R. Z., & Fazliddinova, U. D. (2021, November). The Problems of Second Language Acquisition and Writing in Teaching English Language. In " *ONLINE-CONFERENCES" PLATFORM* (pp. 229-233).